

LA USC DI LADINS – VENERDÌ 27 SETTEMBRE 2013

Stieres de talian te scola

Tla scoles elementeres de rujeneda tudëscia vëniel cris caranta nseniànc de talian sciche segonda rujeneda. L cuncors aldò ie unì publicà tla Gazëta ufiziela ai 23 de setëmber

Tla Gazëta ufiziela dla Region Trentin-Sudtiroi nr. 39 iel unì publicà n cuncors do ejams per 40 stieres da nseniànc de talian, sciche segonda rujeneda. Cun chësc pravedimënt uelen miurè la cualità de nseniamënt de talian tla scoles elementeres tudëscies. Per chësc cuncors possa se nunzië chiche à i tituli aldò y ie de

rujeneda taliana o ladina. L ultimo di per dé ju la dumanda ie n mierculdi 23 de utober 2013. Dlongia la zitadinanza taliana y i tituli de studi, vëniel nce damandà l ejam de bilinguism. Nfurmazions plu avisa n con' dla pruzedures de cuncors ie da giapé sun la lëtra zirculera dl ntendënt (nr. 38 dl 23 de setëmber 2013) sun la plata

web dla Ntendënza tudëscia www.provinz.bz.it/schulamt.

La dumandes muessa unì mandedes ite ala Ntendënza tudëscia, streda Amba-Alagi 10. Ai candidac dl cuncors vëniel pità n curs de preparazion metù a jì dal Departimënt tudësch per la furmazion. (*usp*)